

اسلام مجبوری

مسلمانلرک فائده سنه چالیشیر

اون بش کونده بر حیقار

صافی: ۶۳ — ۲۲ محرم ۱۳۲۷ — ۳۰ تشرین اول ۱۳۳۴ میل: ۴

حلیه سنده و ابن عساکر تاریخنده و طبرانی معجمنده بونلره داتر حدیثلر نقل و روایت ایتیشلر ایسه ده (ابن تیمیه) نك (الفرقان بین اولیاء الرحمن و اولیاء الشیطان) نده سویلدیکی وجه اوزره بونلرک عدی بولندقلری محللر و نجات و اوتاد و اقطاب حقنده رسول ذیشان افندمزدن مروی هیچ صحیح بر حدیث اولمادیکی کبی سالفک دخی بوبابده هیچ برسوزلری یوقدر . حضرت علی (ر ، ض) دن مروی یوقاریکی (الابدال . . .) دخی حدیث منقطع اولوب غیر ثابتدر .

مع مافیله هیچ بر مکان و عدده و بویله بر تشکیلات روحانییه منحصر اولمقسزین عبادته حصر نفس ایتیش م ذواته صرف بوزهدو عبادتلی حسبیله (ابدال) دنیلکه مساع لغوی وارددر .

مدرسلدن : شرف الدین

دارالحکمة الاسلامیه نك بیاننامه سی مناسبتیله

امضا یرنده (دارالحکمة الاسلامیه) یازیلی بیاننامه سی مجموعه لردن برنده اوقودم . بردفعه اوقومقله کلاشیله مدی . تکرار تکرار اوقودم . ینده ا کلایه مدیغ بعض نقطه لر قالدی . بیاننامه هیئت مجموعه سی اعتباریله اوزون بر مقدمه ایله مقصددن تشکل ایتمکده در . مقدمه خطوط اصلیه سی اعتباریله شویله مسئله لری احتوائدییور :
 ۱) وجدان اجتماعی مسئله سی . اجتماعیا تحیلرک وجدان حقنده کی نظریه لری بیاننامه نك بیل کمکنی تشکیل ایتدیکنندن بو نظریه نك آز چوق ایضاحه لزوم کوریلشدر . عینی زمانده نظریه ایله اصل مقصد آراسنده کی تماس نقطه سی کوسترمک اوزره (دین مطلق) ک ملتارک - یعنی دینی وسار حرث عناصرنده وحدت بولونان انسانارک - وجدان اجتماعیلرینی اشعار ایدن (مبادی کایه) دن عبارت اولدیغنی سویله یی حقیقه ده قریب کورمک احتیاجی دویولمشدر . شونی ده علاوه ایدم - اسلام مجموعه سی بومبادی کایه نك قران کریم لساننده (عرف) ایله تعبیر ایدیلکده اولدیغنی تخمین ایدیور ، ظننده سم . یالکمز وجدان عمومینک تجلیاتندن عبارت اولوب عرف ایله تعبیر ایدیلن

(مبادی کلیه) نك بطلان ايله توصيف ايديله بيله چكنه عقلمز ايرمدى. ملتك وجدان كليسى اشعار ايدن مبادى كلي نصل باطل اوله بيلير و بونك حقتده نصل (محكوم زوالدر) حكى جائز كوريلير. بويله شيلرده حق و باطل اوله نك معيارى وجدان عمومى، روح عامه به موافقتدن باشقه برشميدركه.. بونظريه نى قبول ايدنلرجه حسن، حق و صواب اولق ايجون معروفيت وجدان عمومى به موافقتدن باشقه برشميه احتياج يوقدر ظن ايدرم. برنظريه قبول ايديلنجه بالطبع بونك تفرعات و لوازمى ده اونوديلماق ايجاب ايدر. ايسته شو دوشونجه به كوره. بياننامه نك «مبادى» باطله هر حالده محكوم زوالدر. فقط مبادى حقه بعضا ماوراي شعوره آتيلسه بيله ينه ديرياير.. (جمله سى آ كلاشيله مدى.

(۲) وجدان اجتماعينك تاسيسى مسئله سى. وجدان اجتماعيلرك فردلر طرفندن تاسيس ايديله ميه چكى، عرفلرك هر حالده فردلرك فوتنده اولدينى شبهه سزدر. عرفلر هر حالده يوقايريدن بك يوقايريدن كليور. بياننامه ده بو جهت حقتده ايضاحات و يردكدن صوكرا اولوالعزم اولان پيغمبرلرك مؤسس دكل مبلغ اولدقلىنى آروجه سويله به لزوم كوريلشدر. بوراده بونظريه لره وقوفى اولانلرك خاطرلرينه برشى وارد اولور: پيغمبرلرك احكام الهيه اوله يفته اينانه رق تبليغ ايتدكلرى احكام ايله منسوب اولدقلى ملتك وجدان كيليرينى اشعار ايدن مبادى، تعبير ديكرله معروفلر آراسنده برفرق موجود ميدركه موجود اولديفته كوره دين ايله معروف آراسنده مثلا موسى عليه السلامك تبليغ ايتديكى دين ايله قومنك روح عامه سى آراسنده آيريلق بولونمق ايجاب ايدر كه حكيم مطلقك بويله برتكليفده بولونه جنى آ كلاشيله ماز. چونكه منكر، قبيح ايله امر، معروف و حسنندن نهى اوليور، ديمكدر. بيلم بوكا احتمال و يريله بيليرمى؟ بويله برفرق موجود اولساديفته كوره پيغمبرلر ملتلك وجدان كيليرينك ممثللرى اولدقلىنه قناعت كتيرمك ايجاب ايدسيور..

(۳) وجدان اجتماعينك آ كلاشيله مسئله سى. وجدان اجتماعينك، تاريخ و نقول ثابته ايله بالحدس آ كلاشيله دينى سويلندكدن صوكرا حدس اجتماعينك اسلاميتده لك بويوك دليللردن اولان (اجماع) منجر اوله بيله چكى

افاده ایدیلور • بونلرده هپ آ کلاشیلور . یالکنز بوراده « مبادی حقهیه موفق اولان برملنک حدس اجتماعیسندن اجماع کی بر حجت مصیبه طوغابیلیر ، جمله سنده کی « مبادی حقهیه موفق اولان برملنک » قیدنن نه قصد ایدیلور ؟ مبادی حقهیه موفق اولیان برملنک وجودی متصور می ؟ بر آرز یوقاریده « دینسر برملت تصوری تناقضی متضمندر » دنیلیمه مشمی ایدی ؟ هر هانکی برملنک حدس اجتماعیسی کندیلرینه کوره بر اجماع ، بر حجت قطعیه تشکیل ایتمزی ؟ ذاتاً هرملنک اجماعی آنحق کندیلری ایچون معتبر اولوب دیکر لری ایچون هیچ بر قیمتی حائر دکلدیر .

ملت ، ملنک وجدان کلیسی ، حدس اجتماعیسی ، اجماعی بولوندینی حقنده کی نظریه لره قولاق ویردکن صوکر ا اجتماعی حقیقتلرک ملتله ، جمعیتله کوره تعدد ایدیلر جکنی قبولدن باشقه چارده یوقدر ظن ایدرز .

۴) مرور زمانه وجدانلرک بسیطدن مرکبه دوغری یورو می مسئله سی . بومسئله اوزرنده جوق توقف ایدیلر یور . بر ایکی عمومی جمله لر ایله یولی حاضر له دفعدن صوکر ا بویله زمانلرده ورثه انبیانک وظیفه لری خاطر له دیایور .

۵) وجدان اجتماعی ، وجدان فردی و بونلره نظر آ حریت مسئله سی . کور بایور که بومسئله اوزرنده خیلی توقف ایدیلرک مسئله لره بحق تماس ایدلمکده در . فقط بیاننامه نک محترم محرری بوراده ده یازیسنه وضوح ویره مه مشدر . مع مافیه بومسئله لر حقنده کی بیاناتدن صوکر ا اصل مقصده کیرمه نک یولی بولونه رق امتک دینی جریاننه ناظم اولق ، تربیه وجدانیه سنه حصر شعور ایتمک اوزره دارالحکمة الاسلامیه نک تشکیل و کشاد ایدلدیکی سویله تشدر .

برده دارالحکمة الاسلامیه نک نظامنامه سنه کوره بو مؤسسه دن بکله ن خدمتلرک یالکنز دولت عثمانیه ، حتی یالکنز ملت اسلامیه یه منحصر بر غایه کمال ایچون اولیوپ ، بتون انسانیت عالمک وجدان عمومیسنه متعلق فضائلک تحریر سنه ده منعطف بولوندینی ده آروجه سویله نیور . بن دارالحکمت الاسلامیه نک بو نظامنامه سنی هنوز کوره مدم . نظامنامه ده بویله بر ماده

بولونديغنه كوره مؤسسه‌نك تحمل ايديله‌ميه‌جك قدر آغير بريك آلتنه
 كيرميش اولديغنه شهه ايديله‌مز . عثمانليئر ، خير يالكيز عثمانليئر دكل ، بتون
 مسلمانلر ، خير يالكيز مسلمانلرده دكل بتون انسانيت عالمي ... ده‌نيانجه
 مساعي و تحريات دائره‌سئنك نقدو كنيشلديكي درحال كوردليئر : يالكيز
 عثمانليق دنياسي داخلنده برچوق مسلمان ملتئر واردر . عثمانليغك خارجنه
 چيغنجه قوجه بر اسلام عالمي كليركه حرنجه ، سويه‌جه ، ديلجه ، مشرېجه
 سياستجه ، اقتصادجه ، حيات و معيشته ، عرف و عادتجه بربرينه اويمايان
 دوزينه‌لرله ملتئر وزمره‌لر .. بولردن هر بيرينك آري آري وجدان
 عموميلري ، آري آري حرنلري وار . بولرك دين و ديني تعليمات حقنده‌كي
 تلقيلري ده باشقه باشقه .. حيراي كيرك اطرافنده‌كي واحه‌لرده ياشايان نيم وحتي
 قوملر ايله عرب جزيره‌سئنده‌كي بدويلر ، چين مدنيتيه منسوب چين
 مسلمانلري ، حالا كوچه‌لكرني محافظه ايدن قازاقلر ، توركمئلر ، صوكرامثلا
 آسترالياليلر ، فيلپينيلر و سائر و سائر . بولردن هر بيرينك اجتماعي
 سويه‌لري ، بناء عليه ادراكلري ، منطقلري ، مشربلري هپ مختلفدر .
 بولرك هر بري عيني مفهومى كندى ادراكلرينه ، كندى عقل و منطقلرينه كوره
 آكلايوب قبول ايتك مجبوريتده‌دلر . شو حاله كوره اسلام دنياسي بربرينه
 بكمزه‌مين برچوق طاملري احتوا ايدسيور ديمكدركه ، بولرك هر بري
 آري آري كنش برر بلكه متعدد اختصاص دائره‌لريدنر . اسلاميت
 دنياستدن خارجه چيغنجه بوعالمرك قدر جوغلاجنى دوشونيلسون !

نه‌ايسه ، الله قولايلاق ورسون ، ديلم .

بياننامه‌ده خاتمه مقال اولق اوزره دارالحكمة نك بر دار تعصب
 اوليوب دينك رخصت و مساعدلريني تحرييه و حوائج اسلاميه نك تعاليسنه
 چاليشه‌جق بر مؤسسه اوله‌جنى سويله‌نيور . اسمندن ده آكلاشيله‌جنى
 وجهله (دارالحكمة) نك ذاتاً باشقه درلو اوله‌جنى خاطره كله‌مزدى .
 بوجه احتمال كه دارالحكمة نك باب مشيخته‌ده ، بالخاصه فتوا امامتلك ياني باشنده
 تشكلى ايتمش اولمسي اعتباريله تقيه ايچون سويله‌نمشدر . هر حاله بز يوني

سند اتخاذ ایدرز . مع مافیه شونی ده علاوه ایدلم که دارالحکمة الاسلامیه ،
 اسلام عالمترینک ملی وجدان و ملی مشربلرینی نظر اعتباره آلهرق یورسه
 و بونلرک عرفلرینی رهبر طائیرسه امین اولسون که یالکیز رخصتارک دکل،
 عزیمتارک دخی قولای قولای قبول ایدیلدیکنی کوریر .
 جناب حق قولایلق و توفیق ویرسون .

یشار اوغلی

شو معظم حیات افلاک ،	برتصادف دیمک عبث بالله !
باقیلنجه سما ایله خاکه ،	کورینورده زمان وجود اله ؛
ایشته برهان ذات خالقدر .	انتظام شون عالم خلق
کندی سنده کندی ناطقدرد .	دیگه سهک نفسکی دویارسک حق
کورمامک اک بیوک خطای بشر !	کورینیرکن مؤثر عالم ؛
ایدیور پیش سجده مزده کذر .	لمعات ضیای حقه دم
کندی کندیله وار اولان دهره .	صورسه کز خلقتی ایدر اسناد
حقه لایق دکلای ای کفره ؟ ..	وارسه عالمده بویله بر ایجاد
هانکیسندن ایدر دروغ صدور ،	برده باق انبیای ذیشانه
قیدیلر هبسی عالمی پر منور !	حقی اعلام ایدوب بوا کوانه
ایلش نور ذاتنه مجلا ! ..	نولش عالمیری دخی یریر
بوده برهان ساطع مولا ! ..	منطقی عالم قر دیرلر
سجده گاه مکک کب خشیت .	اوستمزده فضای بی پایان ،
صانکه قذریل معبد فکرت ! ..	بی نهایت بنجوم برلمان
شرف الدین	

